

## ADMINISTRACIÓN LOCAL

### MUNICIPAL

#### BERGONDO

##### Secretaría

*Delegacións alcaldía*

##### Delegacións da alcaldía

Con data 13 de decembro de 2016, por esta alcaldía ditouse a Resolución núm. 1251/2016, que deseguido se transcribe íntegramente:

“Alejandra Pérez Máquez, alcaldesa-presidenta do Concello de Bergondo (A Coruña)

Delegacións da alcaldía-presidencia

Ante o pacto de goberno formalizado polo PSdeG-PSOE e SON de Bergondo-ANOVA, dando lugar a unha nova composición do Goberno municipal, por Resolución da Alcaldía núm. 1248/2016, de 13 de decembro, reestruturáronse as áreas de goberno local, en uso das competencias de dirección do goberno e a administración municipais que o artigo 21 da Lei 7/1985, de 2 de abril, reguladora das bases do réxime local, concede á alcaldesa-presidenta.

A área de Presidencia será responsabilidade da alcaldía.

De conformidade coas atribucións que me confiren os artigos 23.4 da lei 7/1985, de 2 de abril, reguladora das bases do Réxime Local e os artigos 43 e 44 do Regulamento de Organización, Funcionamento e Réxime Xurídico da Entidades Locais, e co fin de conquistar unha maior celeridade e eficacia na xestión municipal, pola presente RESOLVO:

PRIMEIRO.- Efectuar a favor dos sres/as. concelleiros/as membros da Xunta de Goberno Local as seguintes delegacións xenéricas correspondentes ás áreas e/ou materias que se relacionan:

- 1.- A D. Juan Antonio Fariña Pedreira, delégaselle a área de Infraestruturas, Urbanismo e Medio Ambiente.
- 2.- A D. Francisco Javier Santos Maseda, delégaselle a área de Obras Públicas.
- 3.- A Dna. María Begoña Calviño Dorado, delégaselle a área de Benestar Social.
- 4.- A D. José Ramón Lorenzo Carou, delégaselle a área de Desenvolvemento Económico e Seguridade.

SEGUNDO.- As delegacións xenéricas acordadas no apartado anterior, punto 1 a prol do sr. Fariña Pedreira, suxeitaráanse ao seguinte réxime xurídico:

1.- As facultades que se delegan son todas as que sexan de competencia da alcaldía presidencia comprendidas dentro de estos servizos, a excepción das indelegables segundo o artigo 21.3 da Lei 7/1985, de 2 de abril, as delegadas na Xunta de Goberno ou atribuídas expresamente a outros órganos de goberno do Concello, e abarcará a facultade de dirixir os servizos correspondentes e xestionalos en xeral, incluíndo a facultade de resolver mediante actos administrativos que afecten a terceiros e a de aprobar gastos e ordear pagos dentro dos límites sinalados no presente apartado.

2.- O ámbito de actuación a que se refiren esta delegación será o correspondente a todo o término municipal e comprenderá a área de Urbanismo, Infraestruturas e Medio Ambiente.

3.- O exercicio das facultades por delegación deberá facerse constar nas resolucións que se diten, de conformidade co disposto no artigo 9.4 da Lei 40/2015, do 1 de outubro.

4.- A alcaldía poderá revocar en calquera momento as delegacións efectuadas seguindo as mesmas formalidade aplicadas para outorgalas. Tamén poderá avocar en calquera momento a competencia delegada de acordo co que dispón o artigo 10 da Lei 40/2015, do 1 de outubro.

5.- Corresponderá á alcaldía resolver as posibles dúbidas que se formulen en relación coa aplicación desta resolución.

TERCEIRO.- As delegacións xenéricas acordadas no apartado primeiro, puntos 2, 3 e 4, suxeitaráanse ao seguinte réxime xurídico:

1.- Abarcarán a facultade de dirixir os servizos correspondentes e xestionalos en xeral, pero sen incluír a facultade de resolver mediante actos administrativos que afecten a terceiros.

2.- O ámbito de actuación a que se refiren as delegacións, será o correspondente a todo o término municipal.

3.- A alcaldía poderá revocar en calquera momento as delegacións efectuadas seguindo as mesmas formalidade aplicadas para outorgalas. Tamén poderá avocar en calquera momento a competencia delegada de acordo co que dispón o artigo 10 da Lei 40/2015, do 1 de outubro.

4.- Corresponderá á alcaldía resolver as posibles dúbidas que se formulen en relación coa aplicación desta resolución.

CUARTO.- Conferir, de conformidade co disposto no artigo 43.4 e 5 do Real decreto 2568/1986, de 28 de novembro, as seguintes delegacións especiais a favor dos/das sres/as. concelleiros/as que a seguir se relacionan, para os servizos que igualmente se sinalan:

1.- Conferir a delegación do servizo de Cultura, Ensino e Deportes (integrado na área de Presidencia) a dona Patricia María Vázquez Figueroa.

2.- Conferir a delegación do servizo de Facenda (integrado na área de Presidencia), a dona Patricia María Vázquez Figueroa.

3.- Conferir a delegación dos Servizos Municipais (integrados na área de Infraestruturas, Urbanismo e Medio Ambiente) a don Eloy Babío Veiga.

QUINTO.- As delegacións especiais efectuadas no apartado anterior, enténdense conferidas como delegacións da dirección interna dos servizos, pero non inclúen a facultade de resolver mediante actos administrativos que afecten a terceiros.

O ámbito de actuación a que se refiren as delegacións, será o correspondente a todo o término municipal.

A alcaldesa, responsable directa da área de presidencia, terá a facultade de supervisar a actuación dos/as concelleiros/as con delegacións especiais integrados na súa área e o concelleiro delegado de Infraestruturas, Urbanismo e Medio Ambiente, terá a facultade de supervisar a actuación dos/as concelleiros/as con delegacións especiais integrados na súa área

SEXTO.- As delegacións conferidas pola presente resolución serán efectivas dende o día 1 de xaneiro de 2017 e deixa sen efectos as delegacións outorgadas con anterioridade por Resolución da alcaldía núm. 695/2015, do 2 de xullo, e será publicada no Boletín Oficial da Provincia da Coruña, en cumprimento do que dispoñen os artigos 44 e 46 do Real decreto 2568/1986, de 28 de novembro. Así mesmo, esta resolución será notificada aos/ás interesados/as, facéndolles saber que, de acordo co que dispón o artigo 114 do Real decreto 2568/1986, de 28 de novembro, a delegación entenderase aceptada tácitamente se no prazo de tres días hábiles contados dende a notificación non realizan ningunha manifestación expresa no senso contrario ante o órgano delegante.”

Bergondo, 21 de decembro de 2016

A alcaldesa-presidenta

Alejandra Pérez Máquez

2016/10615